

APÈL A PROJÈCTE

1. Objectiu de l'apèl a projectes

L'objectiu d'aquesta apèl a projectes es de sosténer de creators de contengut en catalan e en occitan per la produccion de material audiovisual que faga la promocion de la riquesa culturala, patrimoniala e lingüística de l'Euroregion Pirenèus Mediterranèa. Los projectes seleccionats deuràn èsser formats per un grop de tres creators que s'engatjan a publicar amassa una video elaborada d'un biais collaboratiu entre los membres del grop tot de long del projecte.

2. Beneficiaris | destinataris

Pòdon demandar las borsas per la creacion de contenguts autant plan de **particulars (personas fisicas)** coma d'**entitats sens tòca lucrativa**.

Se considèra creator de contengut tota persona o entitat que produsís de material audiovisual per publicar sus de platafòrmas numericas (coma YouTube, Instagram, TikTok, eca.) amb l'objectiu de difusar de contenguts en catalan e en occitan.

Los demandaires se devon presentar obligatòriament per **grops de tres creators**, en seguir aqueste critèri :

- **Una persona deu representar cada territòri de l'Euroregion**, es a dire :
 - Un creator resident dins la Comunitat autònoma de Catalunya
 - Un creator resident a comunitat autònoma de las Illes Balears
 - Un creator resident en Region Occitània

Las demandas individualas o de grops que respèctan pas aquesta estructura territoriala seràn pas admesas.

3. Condicions

Per se poder presentar a aquestas borsas, los demandaires deuràn respectar las condicions seguentas :

3.1 Composicion e funcionament del grop

- Las personas demandairas se devon presentar obligatòriament per **grops de tres creators**, en seguir la composicion indicada al punt 2.
- Cada grop deu inclure **al mens un creator que parle catalan e un que parle occitan** per tal de garantir la diversitat lingüistica del projècte.
- **Foncionament del grop** : emai l'enregistrament de las videos se faguèsse d'un biais independent dins cada territòri, los membre de cada grop devon colaborar estreitament dins l'elaboracion del scenari comun e dins la planificacion dels contenguts amb l'objectiu d'assegurar una linha narrativa fruta de la coesion e coerenta tot al long del projècte.
- Dins cada video mensuala devon aparéisser los tres creators que fòrman lo grop e que devon trabalhar amassa dins totas las fasas del procediment de produccion, lo montatge, l'edicion finala del contengut audiovisual, eca.
- **Responsabilitat partejada** : los membres del grop son collectivament responsables de la bona execucion del projècte e de la justificacion finala per recebre la segonda part del pagament de la borsa.

3.2 Condicions generalas

Los demandaires devon tanben respectar las condicions seguentas :

- **Residència** : devon demorar sul territòri de l'Euroregion (Comunitat autònoma de Catalunya, Comunitat autònoma de les Illes Balears o Region Occitània).
- **Atge** : aver entre 18 e 35 ans al moment de la demanda.
- **Experiència e presència numerica** :
 - Dispausar d'al mens 3.000 seguidors entre los tres sus una o mai d'una platafòrmas socialas (YouTube, Instagram, TikTok, Twitch, etc.).
 - Èsser estat actiu sus las rets socialas en catalan e/o occitan pendent los darrièrs 6 meses.
 - Publicar de contengut d'un biais regular sus las rets socialas.

3.3 Condicions lingüísticas

- Cada grup deu inclure **al mens un creador que parle catalan e un que parle occitan** per garantir la diversitat lingüística del projècte.
- **Las videos devon èsser en catalan e en occitan** amb de sostítols dins l'autra lenga per garantir la diversitat lingüística del projècte. Es a dire que totas las videos devon aver de fragments en catalan (sostitolats en occitan) e de fragments en occitan (sostitolats en catalan).
- D'un punt de vista normatiu, la **lenga** emplegada deu èsser **corrècta e adequada**.

3.4 Documentacion de presentar

Dins lor candidatura los demandaires devon inclure la documentacion e los materials següents :

- **Video de presentacion** : una corta video de presentacion en catalan e/o en occitan de cada membre del grop que contenga una explicacion generala del projècte que vòlon menar.
- **Scenari comun** : un scenari preliminar correspondent al primièr trimestre del projècte – es a dire, una proposicion de contenguts per las tres primièras videos mensualas – elaborat d'un biais collaboratiu entre los membres del grop.
- **Donadas personalas e documentacion administrativa** : cal presentar las donadas identificativas de cada participant e tanben la documentacion acreditativa coma un certificat de residéncia en vigor (atestacion de domicili / certificat d'inscripcion o equivalent).
- **Documentacion bancària** : cada membre del grop deu presentar un **certificat bancari** puèi que la borsa acordada per l'Euroregion serà versada individualament a cada participant.
- **Rets socialas** : ligams cap a las rets socialas que cada creador o grop a d'activas e qu'an previstas coma cadenas de difusion del contengut audiovisual.

Tota aquesta documentacion serà indispensable per tal d'avalorar la candidatura e de ne verificar l'admissibilitat dins l'encastre d'aqueste apèl a projèctes.

Los projèctes qu'emplenaràn pas aquestas condicions seràn automaticament excluses de l'apèl a projèctes.

4. Contengut demandat

Los creators ajudats devon produsir de videos que correspondan als critèris següents :

4.1 Tematicas e domenis

Las videos devon aver una relacion amb al mens un dels tèmas següents :

- **Gastronomia euroregionala** : promocion de la cosina e dels produïts tradicionals de l'Euroregion.
- **Patrimòni euroregional** : difusion del patrimòni istoric e artistic, de las valors e naturalas e de paisatge, de las fèstas, de la cultura e de las tradicions pròprias dels diferents territòris, vilas, vilatges e endreïts de l'Euroregion.
- **Las lengas de l'Euroregion** : curiositats lingüisticas, istòria de la lenga, dichas e provèrbis, eca.
- **Promocion de l'Euroregion** : difusion de las activitats culturalas, socialas e cap als joves dins l'Euroregion.
- **Autras tematicas en ligam** : se pòdon propausar d'autras idèas de contengut que sián coerents amb la promocion de l'Euroregion, sa cultura e son patrimòni.

4.2 Nombre e durada de las videos

Lo grop ajudat, dins son ensemble, deu produsir al mens **12 videos** per an (1 video per mes).

Cada video deu **durar al mens 30 segondas e al mai 2 minutas.**

4.3 Originalitat

- Las videos devon èsser originalas e ineditas.
- La reutilizacion de contenguts existissents es pas permesa coma tanpauç la de videos ja publicadas abans sus cap platafòrma. De contenguts ja creats o ja difusats abans pòdon pas èsser utilizats.

5. Dreits d'utilizacion e difusion dels contenguts

Los creators seleccionats servaràn la plena propietat intel·lectuala e los dreits d'autor sus las videos produsidas dins l'encastre d'aqueste apèl a projèctes.

Pasmens, los beneficiaris cedisson a l'Euroregion Pirenèus Mediterranèa lo dreit non exclusiu, gratuit e sens limit temporal ni territorial per la difusion, la comunicacion publica e l'espleitacion non comerciala de las videos dins los encastres següents :

- Publicacion sus las rets socialas e sus las platafòrmas numericas oficialas de l'Euroregion e de las institucions partenàrias.
- Utilizacion dins d'eveniments e campanhas de promocion culturala, toristica e lingüistica de l'Euroregion.
- Insercion dins de materials informatius o educatius que contribuïscan a la difusion de las lengas e culturas catalanas e occitanas.

L'Euroregion s'engatja a modificar pas lo contengut essencial de las videos sens l'autorizacion exprèssa dels autors, fòra d'adaptacions tecnicas necessàrias per las difusar dins de formats o mejans diferents.

Los creators son responsables de faire las verificacions pertinentes per que los contenguts produsits enfranhan pas los dreits de tèrces, incluses los dreits d'imatge, dreits de propietat intel·lectuala de material ja existissent (musica, videos, fotografias) e qualqua altra nòrma aplicabla que siá. En cas de conflicte legal derivat de l'emplec de material protegit sens permés, serà de la responsabilitat exclusiva dels creators del contengut.

La cession dels dreits d'utilizacion serà indefinida mas los autors la pòràn revocar dins de cases justificats totjorn dins la mesura qu'aquò interferís pas amb d'engatjaments aquesits per l'Euroregion en matèria de difusion.

Los creadors seleccionats seràn obligats de publicar las videos sus lors canals e perfils pròpris sus las rets socialas e platafòrmas socialas coma part de las accions de difusion del projècte. Aquestas publicacions se deuràn faire coma una colaboracion conjunta entre los membres del grop (dins lo cas que la platafòrma o permeta) o, al mens, en s'etiquetar mutualament, e en etiquetar tanben l'Euroregion Pirenèus Mediterranèa e los territòris sòcis. Tanben s'encoratja la coordinacion amb l'Euroregion per la publicacion simultanèa o conjunta sus las platafòrmas oficialas.

6. Obligacions dels participants | engatjament juridic

6.1 Convencion

Las condicions de l'Euroregion per sosténer lo projècte e los engatjaments recipròcs de totas las parts seràn fixadas dins una convencion que cada beneficiari d'aquesta borsa ne recebrà una còpia per via electronica.

Aquesta convencion serà mandada als tres membres del grop per que la signen electronicament a través de la platafòrma numerica Eurosign. L'autoritat territoriala de l'Euroregion, o son representant degudament autorizat, serà lo darrièr que signarà. Un còp la convencion signada per totas las parts un exemplar serà mandat per corrièr electronic.

Las possiblas modificacions del projècte, se son significativas, deuràn faire l'objècte d'una validacion per part del Grop de Lengas de l'Euroregion. S'o pensa necessari poirà donar luòc a un apondon a la convencion.

Se i a un descalatge significatiu entre l'engatjament inicial previst dins la convencion e l'execucion del projècte, lo pagament de la subvencion serà parcial e un reemborsament poirà èsser reclamat se s'es pas fait pro de trabalh.

6.2 Seguit de l'evolucion dels projèctes

Los projèctes seleccionats seràn someses a un seguit regular establhit sus la basa d'un calendari validat amb los responsables del projècte. Aqueste seguit inclurà d'acamps de coordinacion, de rapòrts intermediaris e de rencontres individuals o collectius amb las personas beneficiàrias.

Los beneficiaris deuràn presentar un **rapòrt de progression a la mitat del periòde d'execucion**, dins lo que descriuràn l'estat de desvolopament dels contenguts, lo gra de

collaboracion entre los miembros del grupo e l'adequacion dels materials audiovisuals amb los objectius e las valors de l'Euroregion. Aqueste rapòrt poirà inclure tanben de recomendacions e d'observacions per melhorar los futurs contenguts.

En mai se prevei de celebrar un **acamp trimestral per videoconferéncia** amb la participacion dels grups seleccionats e la còla de coordinacion de l'Euroregion. L'objectiu d'aquestes rencontres serà de partejar de calendaris, d'eveniments d'interès euroregional, de ressorsas utilas pels creators de contengut e d'afavorir de sinergias entre los participants. Poiràn inclure tanben de recomendacions e d'observacions per melhorar los futurs contenguts.

Los beneficiaris deuràn liurar un **rapòrt final de comunicacion** amb los materials de difusion generats pendent lo projècte (videos, publicacions, accions sus las rets, etc.) per desblocar lo segond pagament de la borsa.

L'Euroregion Pirenèus Mediterranèa menarà aqueste seguit en coordinacion amb lo Grop de Lengas per garantir lo bon desenvolopament del projècte e la realizacion dels engatjaments preses.

Los beneficiaris s'engatjan tanben a respondre a totes los questionaris o espleits d'avaloracion que lor transmeta l'Euroregion dins l'encastre del seguit general del programa.

6.3 Publicitat e comunicacion

Dins l'encastre d'aqueste apèl a projèctes es obligatòri d'inclure dins totas las videos produsidas lo logo oficial de l'Euroregion d'un biais visible e de la mencionar explicitament dins la descripcion del contengut tanben. Egalament, los participants devon etiquetar lo perfil oficial de l'Euroregion dins totas las publicacions que se faràn sus las rets socialas e utilizar las etiquetas o d'elements d'identificacion que l'organizacion indicarà per garantir una difusion coerenta e unificada.

Lo mancament a aquestas obligacions poirà implicar una reduccion parciala de la subvencion acordada.

7. Tèrme d'execucion

Lo temps per publicar las videos comença lo 1^{er} de genièr de 2026 e s'acaba lo 31 de decembre de 2026. Cal publicar al mens una video cada mes pendent aqueste periòde.

8. Quantitat de borsas

Tres borsas son previstas per finançar lo projècte amb la melhora avaloracion. Cada borsa serà adreçada a un membre de la còla causida.

9. Budget

Lo budget total per aquestas borsas es de **12.000 €** de repartir entre los tres participants al projècte seleccionat. La quantitat individuala per cada borsa serà de **4.000€**.

Sus proposicion del Grop de Lengas e decision de l'Amassada Generala, l'Euroregion se resèrva la possibilitat d'utilizar e repartir aquesta dotacion financièra en part o en totalitat.

Lo **pagament** de las borsas se farà en doas parts :

- Primier pagament de 50 % al moment de la signatura de la convencion.
- Pagament final de 50 % al moment de la validacion de la justificacion.

10. Critèris d'avaloracion

Las proposicions presentadas seràn avaloradas en foncion dels critèris següents, amb un maximum de 20 punts possibles :

- **Qualitat creativa e innovacion** dins la produccion de las videos : 3 punts
S'avalorarà l'originalitat de la proposicion audiovisuala, l'emplec creatiu del lengatge visual e narratiu, l'adeqüacion dels formats a las platafòrmas socialas e la capacitat de captar l'interès del public. Se prendrà en compte tanben la qualitat tecnica de la produccion (imatge, son e edicion).
- **Impacte e portada** de la difusion sus las platafòrmas socialas : 2 punts

S'avalorarà lo potencial de difusion del projècte a través de las rets socialas en prendre en compte la preséncia actuala dels participants sus las platafòrmas numericas (nombre de seguidors, frequéncia de publicacion, interaccion) e tanben l'estrategia propausada per n'augmentar la portada e la visibilitat.

- **Adeqüacion del contengut** amb los objectius de promocion de l'Euroregion e las lengas catalana e occitana : 3 punts

Se prendrà en compte fins a quin punt lo contengut propausat contribuís a la promocion de la diversitat culturala, lingüística de l'Euroregion Pirenèus Mediterranèa en tot soslinhar la riquesa e especificitat dels territòris representats e en tot utilizar las lengas pròprias d'un biais significatiu.

- **Originalitat e proposicion de tèmas** : 3 punts

S'avalorarà la capacitat dels participants per propausar de tèmas apropiats, innovators e pauc explorats, que sián lo debat de diferents aspèctes de la vida, la cultura e la realitat actuala dels territòris per tal de suscitar l'interès e la participacion del public.

- **Collaboracion** entre los creators dels diferents territòris : 4 punts

S'avalorarà fòrt positivament lo gra de coordinacion e de trabalh amassa dels membres del grop e tanben l'existéncia d'un scenari partejat e una estrategia collaborativa qu'assegure la coeréncia dels contenguts e la visibilitat equitabla dels tres territòris. S'avalorarà tanben la distribucion de las tascas e la complementaritat dels perfils dins lo grop.

- **Usatge corrècte del catalan e de l'occitan** : 5 punts

S'avalorarà la qualitat lingüística (correccion, clartat e riquesa d'expression) dins l'usatge del catalan e de l'occitan dins las videos, tant dins l'expression oral coma escrita (sostítols, tèxtes de supòrt, descripcions sus las rets, etc.). Se prendrà en compte tanben l'esfòrç per emplegar un registre adequat, respectuós de la nòrma e per visibilizar las variants dialectalas d'un biais coerent e positiu.

II. Condicions suplementàrias

Las condicions seguentas se devon complir en mai de las condicions establidas al punt 3 :

- Los creadors ajudats s'engatjan a respectar los dreits d'autor e la nòrma en vigor en matèria de propietat intellectuála dins la creacion de las videos.
- Las videos produsidas deuràn èsser difusadas sus de platafòrmas numericas amb visibilitat publica e se'n deurà faire la promocion a través dels comptes oficials de l'Euroregion e de las institucions implicadas en mai de las rets pròprias de las personas ajudadas.
- Los creadors ajudats se deuràn engatjar a acabar los projèctes dins lo temps donat.
- Lo contengut de las videos pòt pas inclure de manifestacions racistas, omofòbas, misoginas o tota altra manifestacion de discriminacion o de violéncia contràrias als dreits umans, ni l'apologia o la consumacion de substàncias estupefiantas o psicotropicas, alcoòl o tabat ni actes delictius. Tot mancamment a aqueste punt implicarà la revocacion de la borsa.

12. Delais

Lo delai de presentacion de las demandas va del 1^{er} de setembre al 31 d'octobre de 2025. La proposicion de projècte deurà èsser mandada sus la platafòrma WIIN (<https://euroregio-epm.wiin.io/fr>).

Los projèctes seràn avalorats pels membres del Grop de Lengas. L'atribucion de las borsas serà comunicada als demandaires abans lo 31 de decembre de 2025.

La debuta de la produccion de las videos serà lo 1^{er} de genièr de 2026.

13. Contacte

Per tota informacion suplementària :

Lorena Abelenda Castro

Responsabla de projèctes Cultura a l'Euroregion

courrier@euroregio-epm.eu

+33 (0)4 48 22 22 34



+33 (0)6 30 99 50 77

<http://www.euroregio.eu/>

Adreça:

El Centre del Món
35, Boulevard Saint Assisclé
CS 7004
66011 Perpinyà Cedex
França



Eurorégion Pyrénées Méditerranée – GECT | courrier@euroregio-epm.eu

El Centre del Món | 35, Boulevard Saint Assisclé | CS7004 | 66011 PERPIGNAN, France | Tél. : + 33 (0)4 48 22 22 34